

35.

Elisabeth, reine d'Angleterre au prince d'Orange

Westminster, 28<sup>e</sup> mai 1576.

Hault et excellent prince, très cher et très aymé cousin,  
comme ainsi soit que nous ayons promis à M. M. voz  
depputez d'envoyer unq gentilhomme tout expès à  
ceulx qui, pour le présent, gouvernent pour le  
Roy nostre bon frère là aux Pays-Bas, et  
les requérir d'une abstinence et cessation des armes  
et hostilités pour quelque temps convenable, affin  
que ce pendant gens de qualité et amateurs de  
paix, tant d'unq costé que d'autre, se pour-  
roient assembler et traicter de rechef de quelque  
bon accord par où tout se puisse rabiller et  
une bonne paix et réunion estre établie aus  
dits pays, à quoy, s'ilz veullent accorder,  
nous aurons donné charge à ce porteur, nostre  
fiel et bien aymé serviteur Messire Guillaume  
Davison, gentilhomme de nostre maison,  
de se trouver auzi devers vous et de nostre

part vous requérir du mesme, et vous communic-  
quer et adviser, outre ce, des choses qui nous  
semblent vous pouvoir grandement proffiter  
en cest endroit, en quoy vous prions luy  
voulain croire comme vous mesmes et, en  
cas qu'accorderiez aussi à ceste nostre motion  
(comme espérons que ferez) ce dit porteur  
retournera devers la partie du dit S<sup>r</sup>  
Roy pour ce leur donner à entendre,  
fourny et instruit de toute autre chose  
qu'il vous semblera bon luy communiquer  
pour l'avancement de cest affaire.

Et ainsi faisant fin de cestes, prions Dieu,  
hault et excellent prince, très cher et très  
aymé cousin, qu'il vous ait en sa sainte  
garde. [Escript à nostre palais de  
Westmynstre, ce XXVIII jour de may

1576

Vostre bonne Cousine

Elisabeth

A très hault et excellent prince, nostre  
très cher et très aimé cousin le prince  
d'Orange

(State Paper office  
Papiers de Flandre)